

Қора туйнук портлаши



15:34 / 08.10.2022 3606

Вазни 1000 тонналик қора туйнук емирилиши учун 84 сония кифоя экан. Чунки у ўзидаги бор энергияни шу муддат ичида ташқарига чиқариб юборар экан. Кейин бу жараён тахминан 10 миллион атом бомбасига тенг портлаш билан якун топар экан.

Хиросима ва Нагасаки шаҳарларига бир донадан атом бомба ташланганида нималар рўй берганини бутун дунё аҳолисининг кўпчилиги билади. Ўша ҳалокатнинг таъсири мазкур шаҳарларда ҳозир ҳам бор.

Энди 10 миллионта атом бомбасига тенг портлашга келсак, бу биз тасаввур қилолмайдиган жараён.

Қаранг, Аллоҳ таоло яратган бир дона кичик ҳажмдаги қора туйнук деб аталган коинотдаги жисмнинг портлаши тасаввурга сиғмаяпти.

Қиёмат қоим бўлаётгандаги зилзила, осмоннинг ёрилиши, юлдузларнинг сочилиб кетиши, тоғларнинг чанг-тўзон мисоли учиб юриши, денгизларнинг қиздирилиши, сур чалиниши каби ҳодисалар умуман даҳшат, даҳшат, даҳшат.

Осмондаги митти қора туйнукнинг портлаши 10 миллионта атом бомбасининг портлашига тенг бўлса, барча қора туйнукларни ўзида жо қилган осмоннинг ёрилиши ҳақида, барча юлдузларнинг сочилиб кетиши ҳақида нима дейиш мумкин?!

Ҳеч бир махлуқнинг ақли, онги, тасаввури, шуурига сиғмайдиган, мия ўлчолмайдиган, Аллоҳ таолонинг қудратига, азаматига, буюклигига далолат қиладиган ҳодиса деймиз.

Ё Аллоҳ, қиёмат қоим бўлиши арафасидаги даҳшатли ҳодисаларни, охирадда дўзах азоби, оғир ҳисоб бериш, сирот кўпригидан қийналиб ўтиш каби вазиятларни кўришдан Ўзинг биз бандаларингни асрагин!

Нозимжон Ҳошимжон